

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON

OPĆINSKI SUD U ŽIVINICAMA

Broj: 033-0-Su-25-000452-7

Živinice, 26.08.2025. godine

Na osnovu člana 72. stav 3., točka c. Zakona o javnim nabavkama ("Službeni glasnik BiH", broj: 39/14, 59/22 i 50/24) i člana 8. Pravilnika o unutrašnjem sudskom poslovanju ("Službeni glasnik BiH", br. 66/2012, 40/2014, 54/2017, 60/2017, 30/2018 i 83/22), Općinski sud u Živinicama donosi:

ODLUKU

o dodjeli ugovora trećerangiranom ponuđaču za nabavku roba „Računara i računarske opreme“

I

Ugovor o nabavci roba – „Računara i računarske opreme“, u postupku javne nabavke putem otvorenog postupka, pokrenut Odlukom o pokretanju javne nabavke broj 033-0-Su-25-000452 od 16.06.2025. godine za potrebe Općinskog suda u Živinicama dodjeljuje se ponuđaču INTER-COM doo Zenica ID broj 4218087760006 sa punudom broj 0259-AJ/25 od 07.07.2025 godine, koja iznosi 57.900,00 KM bez PDV-a, kao trećerangiranom ponuđaču nakon provedene e-aukcije.

II

Ponuđač INTER-COM doo Zenica dužan je dostaviti novi obrazac za cijenu ponude koja će odražavati smanjenu cijenu iz e-aukcije, kao i ostale dokaze o ispunjavanju uslova traženih tenderskom dokumentacijom u otvorenom postupku u roku od 5 dana od dana zaprimanja ove odluke.

III

Prijedlog Ugovora za predmetnu nabavku u iznosu od 57.900,00 KM bez PDV-a odnosno 67.743,00 KM sa PDV-om, sačinjit će Komisija za javne nabavke, a u skladu sa važećom zakonskom regulativom i izabranom ponudom, te će se isti dostaviti na potpis izabranom ponuđaču iz tačke 1. Odluke, a po konačnosti ove Odluke u zakonu propisanom roku.

IV

Ovom Odlukom stavlja se van snage Odluka o izboru najpovoljnijeg ponuđača broj: : 033-0-Su-25-000452-6 od 19.08.2025 godine kojom se ugovor o nabavci Računara i računarske opreme za potrebe Općinskog suda u Živinicama dodjeljuje ponuđaču Neutrino doo Tuzla kao drugorangiranom nakon održane e-aukcije.

V

Ova Odluka stupa na snagu danom donošenja i dostaviti će se svim ponuđačima koji su učestvovali u postupku javne nabavke elektronskim putem i istovremeno objaviti na WEB stranici Općinskog suda u Živinicama.

O b r a z l o ž e n j e

Postupak javne nabavke pokrenut je Odlukom o pokretanju javne nabavke putem otvorenog postupka za dostavljanje ponuda broj 033-0-Su-25-000452 od 16.06.2025. godine za nabavku roba „Računara i računarske opreme“.

Javna nabavka je sprovedena putem otvorenog postupka, tenderska dokumentacija broj 033-0-Su-25-000452 od 16.06.2025. godine. Obavještenje o nabavci je objavljeno na Portalu javnih nabavki, obavještenje o nabavci broj 763-1-1-65-3-26/25 od 18.06.2025. godine.

Procijenjena vrijednost nabavke je iznosila **66.837,00 KM** bez PDV-a.

Komisija za javnu nabavku imenovana Rješenjem predsjednice Općinskog suda u Živinicama, broj: 033-0-Su-25-000452-1 od 16.06.2025. godine je dostavila: Zapisnik o otvaranju ponuda broj: 033-0-Su-25-000452-2 od 09.07.2025. godine, Zapisnik o pregledu i ocjeni ponuda, broj: 033-0-Su-25-000452-3 od 17.07.2025. godine i 21.07.2025. godine i Izvještaj o toku i završetku e-aukcije, broj postupka: 763-1-1-65/25 od 21.07.2025. godine.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda o čemu je sačinila odgovarajuće zapisnike u kojima je utvrđeno sljedeće:

- Da je ukupan broj prispjelih ponuda: 5 (pet) ponuda,
- Da je broj blagovremeno zaprimljenih ponuda: 5 (pet) ponuda
- Da nema neblagovremeno zaprimljenih ponuda,
- Da je ukupan broj prihvatljivih ponuda: 5 (pet) ponuda

Red. broj	Naziv i sjedište ponuđača prema redoslijedu zaprimanja ponuda	Ukupna cijena ponude bez PDV-a KM	Popust	Ukupna cijena sa popustom bez PDV-a
1.	NEUTRINO D.O.O	66.833,10 KM	0,00 KM	66.833,10 KM
2.	PRINTEX D.O.O	66.835,00 KM	0,00 KM	66.835,00 KM
3.	INTER-COM D.O.O	66.800,00 KM	0,00 KM	66.800,00 KM
4.	MEDIA-MARKET PR	66.837,00 KM	0,00 KM	66.837,00 KM
5.	SYSTEM-ONE D.O.O	66.800,00 KM	0,00 KM	66.800,00 KM

U skladu sa tačkom 4. podtačka f) tenderske dokumentacije zakazana je i provedena e-aukcija u sistemu E-nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23). E-aukcija je zakazana dana 17.07.2025. godine u 11:18:23 sati, sa terminom državanja e-aukcije 21.07.2025. godine, sa vremenom početka 9:00:00 sati i predviđenim trajanjem e-aukcije od 20 minuta.

Nakon okončane e-aukcije koja je trajala u vremenskom periodu od 9:00:00 sati do 9:30:00 sati, a u skladu sa Izvještajem o toku i završetku E-aukcije, Komisija je konstatovala da je došlo do promjene cijene u odnosu na početne, te je utvrdila konačnu rang listu ponuđača koji su učestvovali u e-aukciji po kriteriju najniže cijene iz tenderske dokumentacije, kako slijedi:

Red. broj	Naziv i sjedište ponuđača	Konačna cijena ponude bez PDV-a
1.	PR „MEDIA MARKET“	55.300,00 KM
2.	NEUTRINO D.O.O	55.399,00 KM
3.	INTER-COM D.O.O	57.900,00 KM
4.	SYSTEM-ONE D.O.O	58.000,00 KM
5.	PRINTEX D.O.O	66.700,00 KM

U postupku je utvrđeno da je Komisija u svemu pravilno postupala, te je dala preporuku da se ugovor zaključi sa ponuđačem PR „Media Market“ iz Prijedora obzirom da je u skladu sa Zakonom o javnim nabavkama BiH, podzakonskim aktima i tenderskom dokumentacijom te uvidom u priloženu dokumentaciju, navedeni ponuđač najbolje ocjenjen zbog „najniže cijene“ tehnički zadovoljavajuće ponude nakon održane e-aukcije, kao u konačnoj rang listi ponuđača koji su učestvovali u e-aukciji.

Izabrani ponuđač PR „Media Market“ dana 18.08.2025 godine dostavio je Izjavu o odustajanju u kojoj se navodi da nije u mogućnosti da isporuči robu koja je predmet Ugovora te da je prinuđen da odbije dodjelu ugovora u predmetnom postupku javne nabavke. Ugovorni organ nakon odustajanja prvorangiranog ponuđača je donio Odluku broj 033-0-Su-25-000452-6 od 19.08.2025 godine kojom se ugovor o nabavci računara i računarske opreme za potrebe Općinskog suda u Živinicama dodjeljuje ponuđaču Neutrino doo Tuzla kao drugorangiranom nakon održane e-aukcije, a prvobitna Odluka broj 033-0-Su-25-000452-4 od 22.07.2025 godine stavlja van snage.


Ponuđač Neutrino doo iz Tuzle, kao drugorangirani, kojem je naprijed pomenutom Odlukom broj 033-0-Su-25-000452-6 od 19.08.2025 godine dodijeljen ugovor za nabavku je pismeno dana 25.08.2025 godine putem e-maila obavijestio Ugovorni organ da neće dostaviti dokaze tražene TD i Odlukom o dodjeli Ugovora jer nisu u mogućnosti kao drugorangirani isporučiti predmetnu robu, a iz čega proizilazi da u pismenoj formi odbijaju dodjelu ugovora.

Shodno tome, a u skladu sa odredbom člana 72.stav 3. tačka c, Zakona o javnim nabavkama kojim je propisano da ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač u pisanoj formi odbije dodjelu ugovora, Ugovorni organ u ovom slučaju dodjeljuje ugovor ponuđaču iz tačke 1. ove Odluke INTER-COM doo Zenica sa ponuđenom cijenom u iznosu od 57.900,00 KM bez PDV-a odnosno 67.743,00 KM sa uračunatim PDV-om čija ponuda je treća po rang listi nakon održane e-aukcije i stavlja van snage Odluku broj 033-0-Su-25-000452-6 od 19.08.2025 godine.

POUKA O PRAVNOM LIJEKU: Protiv ove odluke može se izjaviti žalba URŽ BiH u roku od 10 dana od dana prijema iste, a putem ugovornog organa u dovoljnom broju primjeraka.

DOSTAVLJENO:

1. Ponuđaču
2. Računovodstvu suda
3. Minis.pravosuđa i uprave
4. Su arhivi



Predsjednica suda

Mirjana Kulić